


1  
Monsieur

Mon prompt depart pour aller a la mer depuis la derniere fois que i'eus  
l'honneur de uous uoir m'a empesche iusques icy de m'acquitter de la promesse que  
ie uous auois faite, de uous faire present de quelque chose rare, J'esperois que  
Dieu nous seroit la grace de faire quelque heureuse rencontre pour y ioindre  
quelque autre chose qui fust digne de uous presenter, mais ayant este frustra de  
mon espoir, J'ay ose uous enuoyer ceste pierre de Berwart qui n'est pas fort commune  
en sa grosseur, ie uous supplie tres humblement la recevoir pour un tesmoignage du seruire  
que ie uous ay uue, attendant que ma bonne fortune me face tomber entre les  
mains quelque autre chose qui soit digne de uous offrir, ie uous enuoye aussi deux  
dents d'Araignee des Indes, qui sont merueilleuses en leur uertu de guerir la douleur  
des dents. Je suis infiniment marri de n'auoir pour le present autre chose, mais  
i'espere que le temps m'en fournira, cependant Monsieur ie uous supplie me faire  
la faueur de me continuer l'honneur de la bienueillance que uous m'auies tesmoignee  
et ie m'estimeray extremement heureux, et croyes que i'embrasseray avec une ardante  
affection les occasions de uous seruire, et qu'elles uiendront trop tard pour mon  
contentement, en les attendant ie prierauy l'Eternel qui uous conserue et uous  
maintienne en toutes sortes de prosperites. Cest le souhait de celuy qui est  
ueritablement

Monsieur



Apr. 1633.

ostre tres humble tres  
obeissant et tres affectionne  
seruiteur

J. van  
[Signature]

*A Monsieur*

*Monsieur De Sule*

*A la Haye*